

中國地方志集成

省志輯·甘肅 ⑤

光緒甘肅新通志(三)

鳳凰出版社●上海書店●巴蜀書社

圖書在版編目（C I P）數據

中國地方志集成·省志輯·甘肅 / 鳳凰出版社編
— 南京：鳳凰出版社，2011.8
ISBN 978-7-5506-1033-0

I. ①中… II. ①鳳… III. ①中國—地方志②甘肅省—地方志—清代 IV. ①K29

中國版本圖書館CIP數據核字(2011)第249217號

中國地方志集成·省志輯·甘肅

著 作 者 本社 編選

責任編輯 王 劍 薛 飛

封面設計 范一辛

出版發行 鳳凰出版傳媒集團

鳳凰出版社(原江蘇古籍出版社)

南京市中央路 165 號 郵編 210009

發行部電話 025—83223462

集團網址 鳳凰出版傳媒網 <http://www.ppm.cn>

印 刷 金壇市古籍印刷廠有限公司

江蘇省金壇市晨風路 186 號 郵編 213200

開 本 787×1092 毫米 1/16

印 張 259



版 次 2011 年 8 月第 1 版 2011 年 8 月第 1 次印刷

標準書號 ISBN 978-7-5506-1033-0

定 價 3400.00 圓 (全六冊)

(本書凡印裝錯誤可向承印廠調換,電話:0519-82338389)

光緒甘肅新通志(三)



(清)	(清)
安	長升
維	
峻	庚允
纂	修

目 録

第一册	
乾隆甘肅通志(一)	一
第二册	
乾隆甘肅通志(二)	一
第三册	
光緒甘肅新通志(一)	一
第四册	
光緒甘肅新通志(二)	一
第五册	
光緒甘肅新通志(三)	一
第六册	
光緒甘肅新通志(四)	一

甘肅新通志卷之五十五

大吏傳

望隆碩輔職任封疆數十年安危繫焉其有揆文奮武功在社稷威震華戎者勳名當與河山並壽若夫旬宣是寄風憲攸司作生佛萬家頌福星一路時代雖易姓字猶考今自周秦漢迄國朝凡在西土高秉節鉞以及榮膺繡衣有聲當時足法後世者列爲大吏傳流風遺澤尙論之餘猶堪想見云

周南 仲周之卿士城朔方伐西戎語在小雅

秦蒙 恬世爲秦將秦并天下使將三十萬眾北逐戎狄收河南地築長城臨洮至遼東延袤萬餘里於是蒙氏威震匈奴

漢鄼 商高陽人陳勝起兵商聚少年得數千人屬沛公於岐沛公爲漢王賜商爵信成君以將軍爲隴西都尉別定北地郡破章邯

甘肅新通志

卷五十五

職官志

大吏傳上

一

別將於烏氏枸邑泥陽後積功遷至右丞相封曲周侯

靳 歙以中涓從沛公定三秦別西擊章平軍於隴西破之定隴西六縣

袁 盎字絲安陵人文帝時爲郎中以數直諫不得久居中調隴西都尉仁愛士卒眾皆爭爲之死

衛 青字仲卿平陽人元光六年以車騎將軍擊匈奴出上谷至龍城斬首虜數百元朔二年復取河南地爲朔方郡封長平侯匈奴憤甚數寇朔方上郡三年上令青將三萬騎出高闕禦之大捷獲其裨王十餘人及人畜無算凱旋至塞天子使使者持大將軍印即軍中拜青大將軍諸將皆以兵屬益封青六千戶

張 騫漢中人武帝元朔三年以大中大夫奉使出隴西經匈奴單于留十餘年得聞西走歷大宛康居大月氏備悉其地肥饒歸

具言西域諸國風俗物產元狩元年復遣至西域次年匈奴渾邪王降漢元鼎六年分酒泉武威地置張掖敦煌爲河西四郡隸涼州部皆其功也

霍去病大將軍青姊子也善騎射從大將軍擊匈奴多所斬獲封冠軍侯元狩三年以驃騎將軍將萬騎出隴西踰烏盩涉狐奴轉戰六日過焉支山千餘里合短兵鏖皋蘭下殺折蘭王斬盧侯王執渾邪王子及相國都尉首虜八千九百六十級收休屠祭天金人益封二千二百戶其夏復出北地深入二千里過居延攻祁連山得首虜三萬級益封五千四百戶日親貴比大將軍其秋渾邪王與休屠王謀降漢詭渾邪王有異志去病馳兵殺休屠王並降其眾四萬遣渾邪詣行在所由是滅隴西北地上郡戍卒之半明年復以五萬騎出塞約輕齎絕大幕獲其大燾及其主帥將軍以

甘肅新通志

卷五十五

職官志

大吏傳上

二

下八十餘人封狼居胥山益封五千八百戶卒諡景桓

趙破奴太原人時漢通西域而樓蘭姑師小國當孔道攻漢使匈奴又出奇兵邀之於是遣從票侯破奴將屬國騎及郡兵數萬擊胡胡皆走遂破姑師虜樓蘭王酒泉列亭障至玉門大宛諸國以條支大鳥卵如二石甕及釐斬善幻人能吞刀吐火植瓜種樹屠人截馬之術來獻云後改封浞野侯

李 息北地都郵人武帝元鼎間爲將軍西域旣通置河西郡後先零羌封養牢姐與匈奴通合兵十餘萬共圍枹罕息與郎中令徐自爲將兵十萬人擊平之始置護羌校尉持節統領焉

李廣利以貳師將軍伐宛出敦煌先置居延休屠二部都尉以衛酒泉至輪臺不肯下攻屠之自此不行至宛圍攻四十餘日宛貴人殺王母寡以降獻宛馬三千餘匹又還漢使自擇汗血馬焉

人殺王母寡以降獻宛馬三千餘匹又還漢使自擇汗血馬焉

十四號爲天馬因以出烏孫者號西極馬又令搜粟都尉上官桀攻破郁城斬其王貳師東還諸所過小國聞宛破皆遣子弟從入貢獻因爲質焉封海西侯

常 惠太原人隨蘇武使匈奴後匈奴發騎由車師共侵烏孫於是漢大發兵五將軍分道出以惠爲校尉持節護烏孫五萬騎從西方入至右谷蠡庭獲單于父行及嫂居次名王騎將以上三萬九千人得馬牛驢羸橐駝五萬餘匹羊六十餘萬隻天子以惠奉使有功封長羅侯後龜茲殺校尉賴丹惠發西國兵討之責王漢使狀王縛貴人姑翼以獻惠斬之而還代蘇武爲典屬國又代趙充國爲右將軍卒諡壯武

蘇 武字子卿杜陵人建之子天漢元年出使匈奴單于欲降之武不屈乃幽置大窖中絕其飲食武齧雪與旄旄數日不死復徙

甘肅新通志

卷五十五

職官志

大吏傳上

三

置海上使牧羝武掘野鼠食草根卧起持漢節旄盡落終不降愿十九年始歸拜爲典屬國後宣帝思其功圖像麒麟閣

路博德西河平州人以右北平太守從驃騎有功爲強弩都尉封祁離侯太初三年以都尉屯居延築遮虜障敵不敢犯

鄭 吉會稽人宣帝時將兵破車師降日逐威震西域遂以吉爲西域都護中西域立幕府治烏壘城都察烏孫康居等三十六國漢之號令始頒西域矣

馮奉世字子明扶風人初學春秋通大義善兵法永光二年以右將軍擊隴西叛羌初議者謂民方收斂不宜多發兵奉世曰羌久輕邊吏相扇而起少發師而曠日與一舉而疾決利害相萬也罕之弗得後兩校尉果以兵少敗沒迺詔發六萬人益奉世遂大破羌虜斬首數千餘皆走出塞詔罷吏士留屯田備焉賜奉世爵

關內侯

任千秋永光二年爲奮武將軍助奉世討羌平之

陳 湯字子公瑕邱人好書善屬文沈勇多謀喜奇功建昭三年爲西域副都尉時郅支單于恃其國大屢困辱漢使天子憂之湯與都護甘延壽矯制發兵奮勇入其城斬單于首及名王以下得漢使節二於是西域諸國靡不惇服論功封關內侯

杜 鄴字子夏茂陵人哀帝初遷涼州刺史居職寬舒吏民懷之實 融字周公平陵人建武七年行大將軍涼州牧初融既通漢使屢說隗囂歸命中朝囂不能從及帝自將征囂次高平第一融率五郡太守及羌氏等步騎數萬與大軍會帝高其功封安豐侯馬 援字文淵茂陵人王莽末避居涼州隗囂甚敬重之與決籌策使援往覘蜀反曰子陽井底蛙耳不如專意東方及使奉書洛

甘肅新通志

卷五十五

職官志 大吏傳上

四

陽兒帝簡易關達以爲帝王自有真也及還帝使與來歙持節俱西援說囂遣子入質因歸洛陽器後復狐疑援數以書責之囂怨援遂拒漢帝西征召援問計援於帝前聚米爲山谷指畫形勢及軍所從道徑帝曰虜在吾目中矣進兵大破之拜大中大夫副來歙監諸將平涼州羌寇邊拜援隴西太守擊破先零奏置長史繕城郭起塢堠開溝渠勸耕牧一郡樂業塞外諸羌皆來附封新

息侯

來 歙字君叔新野人建武初中原甫定而隴蜀未平帝憂之命歙往說囂囂遂遣子入侍拜歙中郎將帝謀收囂兵與俱伐蜀使歙喻旨囂遲疑不決歙怒杖節去八年率精兵二千人從回中襲略陽斬囂守將保其城囂悉兵數萬攻之帝大發兵上隴囂眾潰走詔歙率諸將入天水擊破公孫述將躡支黨及天水屬縣皆降

時饑流相望乃傾倉廩轉運諸縣以賑贍之於是隴右平而涼州亦通

馬 成字君遷南陽棘陽人世祖討河北以期門從征伐及即位拜揚武將軍七年封平野侯八年從征破隗囂以成爲天水太守將軍如故九年代來歙守中郎將率武威將軍劉尚等破河池遂平武都

馮 異字公孫潁川人通左氏春秋孫子兵法從光武起兵諸將論功異獨屏樹下軍中號爲大樹將軍建武六年諸將爲隗囂所破敗詔異軍拘邑囂乘勝遣將王元行巡取拘邑異先據之閉城偃旗鼓元率眾馳赴異建旗鼓疾擊之巡軍驚亂遂大破之北地諸豪長悉降公孫述遣將趙匡救隗純異攻匡等皆斬之於是北地上郡安定皆降

甘肅新通志

卷五十五

職官志

大吏傳上

五

溫 序字次房太原祁人建武六年拜謁者遷護羌校尉序行部至襄武爲囂將苟宇所劫序曰受國重任義不貪生宇等曉譬之序大怒叱宇因以節撻殺數人賊眾爭欲殺之宇止之曰此義士死節可授以劍序受劍銜鬚於口顧左右曰旣爲賊所迫殺毋令鬚汚土伏劍而死帝悼之賜冢葬焉除三子爲郎

寇 恂字子翼昌平人初隗囂將高峻旣降復叛據高平堅守帝使耿弇圍之一歲不拔帝欲親征恂諫止之遂奉璽書至第一城峻遣軍師皇甫文出謁辭禮不屈恂斬之遣其副歸峻懼即日出降諸將皆賀曰敢問殺其使而降其城何也恂曰皇甫文峻之心腹其所取計者也今來而不屈必無降心全之則文得其計殺之則峻喪其膽是以降耳

耿 弇字伯昭茂陵人光武即位拜建威大將軍建武八年從

隴與中郎將來歙分部拘安定北地諸營堡皆下之封好時侯馬 武字子張南陽湖陽人光武時封揚虛侯顯宗初燒當羌反寇隴西太守劉盱禦之敗諸羌皆叛拜武捕虜將軍討平之

班 超字仲升扶風人家貧爲官傭書嘗投筆歎曰大丈夫當效傅介子張騫立功異域安能久事筆硯間哉後詣相者相者異其狀曰燕頷虎頭飛而食肉此萬里侯相也永平十六年從竇固擊匈奴有功遣與從事郭恂使西域至鄯善以三十六人攻匈奴使館殺使者及其眾百餘人鄯善震怖遂納子入質西域諸國皆懷畏內屬封定遠侯

耿 恭字伯宗弇子永平十七年恭以司馬爲戊己校尉屯後王部金蒲城恭至部示漢威德昆彌遣子入侍明年北單于擊殺車師後王安得遂攻恭恭以毒藥傳矢語匈奴曰漢家箭神其中瘡

甘肅新通志

卷五十五

職官志

大吏傳上

六

者必有異寇中矢者視瘡皆涕遂大驚會暴風雨隨雨擊之殺傷甚眾匈奴震怖相謂漢兵神速乃解去恭引兵據疏勒城匈奴復來攻壅絕澗水恭於城中穿井向井拜禱有頃水泉奔出乃令揚水示虜遂引去十一月車師叛復與匈奴共圍之恭率勵士眾禦之數月食盡煮鐵弩食其筋革與士卒推誠同生死故皆無二心初關隴上書求救乃詔酒泉太守段彭等將兵救之章帝建初元年擊車師匈奴走車師復降軍吏范羌固請迎恭歸拜騎都尉竇 固字孟孫平陵人永平十五年以固嘗從其父融在河西明習邊事乃以固爲奉車都尉同駙馬都尉耿秉將兵屯涼州十六年分道出擊羌夷固與耿忠率張掖酒泉敦煌甲卒及盧水羌人出酒泉塞至天山擊呼衍王斬首千餘級追至蒲類海取伊吾盧地置宜禾都尉留吏士屯田十七年復與耿秉及騎都尉劉張擊

車師降之復置西域都護戊己校尉

馬 防字江平援子章帝建初二年金城隴西保塞羌皆反防由中郎將拜行車騎將軍以長水校尉耿恭副擊之軍到塞會羌豪布橋等圍南部都尉於臨洮防欲救之臨洮地險車騎方駕乃別使兩司馬將數百騎分爲前後軍去臨洮十餘里爲大營多樹幡幟揚言大兵旦當進羌虜驚走因追擊破之斬首虜四千餘遂解臨洮圍防結以恩信燒當種皆降復引兵破布橋於索西布橋迫急將種人萬餘降

鄧 訓字平叔新野人禹之子和帝永元元年以張掖太守爲護羌校尉代張紆討叛羌稍以賞賂離間諸部會燒當以萬騎舊月氏胡訓開其城悉納其妻子諸胡相謂漢家常欲圖我今使君被我以恩信眞吾父母也咸叩頭請効力訓收其勇銳爲義從羌胡甘肅新通志 卷五十五 職官志 大吏傳上 七

數有功威信大行 貫 友永元五年爲護羌校尉以迷唐難以德服乃遣間搆離諸種因其解散遂攻迷唐於大小榆谷獲首虜八百餘人迷唐乃率部落遠徙

侯 霸先爲金城太守永元十三年迷唐復犯塞與護羌校尉周鮪合兵與戰鮪還營自守霸陷陣斬首四百餘級降六千餘口迷唐遂弱明年代鮪爲校尉

曹 鳳和帝中爲金城西部都尉初爲榆廩相時安定降羌燒何種反郡兵擊滅之自是迷唐衰弱西海郡縣小榆谷無復羌患鳳上言宜於此時建復西海郡縣規固二榆廣設屯田隔塞羌胡交關之路植穀富邊可以無西方之憂帝從之拜鳳爲都尉將徙士屯龍支

龐 參字仲達河南緱氏人舉孝廉拜左校令坐法輸作永初元年涼州先零種羌反畔參於徙中上書言兵事會御史中丞樊準亦上書薦參太后納其言卽擢參於徙中召拜謁者使西督三輔諸軍屯四年拜漢陽太守郡人任棠者有奇節隱居教授參到先候之棠不與言但以薤一大本水一孟置戶屏前自抱兒孫伏於戶下至簿白以爲僞參思其微意良久曰棠是欲曉太守也永者欲吾清也拔大本薤者欲吾擊強宗也抱兒當戶欲吾開門恤孤也於是歎息而還參在職果能抑強助弱以惠政得民元初元年遷護羌校尉畔羌懷其恩信明年燒當羌種號多等皆降餘詳本傳

耿 种扶風茂陵人美陽侯秉之子也嗣父侯爵安帝時爲漢陽太守能懷輯西羌延平元年冬麻奴等將種眾三千餘戶詣降

甘肅新通志

卷五十五

職官志 大吏傳上

八

馬 賢史失其字籍安帝元初元年代龐參領校尉事四年與在尙會兵擊狼莫大戰破之狼莫走死永甯元年擊上郡叛羌斬首千八百級餘悉降時當煎種大豪饒五等以賢兵在張掖乘虛寇金城賢還軍擊之斬首數千及其大豪盧忽忽黨忍良亡出塞璽書封賢安亭侯忍良黨復結脅諸羌攻金城寇武威賢追至鸛鳥招降數千永建元年隴西鍾羌反賢擊之戰臨洮斬首千餘降其眾進封都鄉侯陽嘉二年鍾羌復叛詔拜賢爲謁者擊之降其眾十餘萬永和元年代馬續爲校尉擊武都諸叛羌斬其渠帥於是隴右復平四年徵爲宏農太守五年諸羌以刺史虐俱反復拜賢征西將軍屯漢陽羌寇武都賢將騎兵數千赴之至射姑山軍敗賢及二子皆戰死帝愍之賜卹封其孫光爲舞陽亭侯

衛

瑤 甘肅府建康元年領護羌校尉時從馬元亡出塞瑤追

擊虜羌破之

趙 冲順帝永和六年率兵擊破鞏唐羌詔冲督河西四郡兵諸羌寇武威以冲爲護羌校尉擊破之復追叛羌戰死而前後多斬獲羌由是衰

韓 皓代馬賢爲護羌校尉燒當羌首犀苦先繫質於令居求歸故地不遣因轉湟中屯田置兩河間以逼羣羌

馬 續茂陵人永建二年爲護羌校尉前校尉韓皓轉湟中屯田置兩河間以逼羣羌羌恐見圖乃解仇盟各自警備續先示恩信移屯田還湟中羌眾乃安至陽嘉三年種羌長封等復寇隴西漢陽續擊敗之

第五訪字仲謀京兆長陵人順帝時遷張掖太守歲饑粟石數千訪即開倉賑急吏懼愆爭欲上言訪曰若上須報是棄民也太守

甘肅新通志

卷五十五

職官志

大吏傳上

九

樂以一身救百姓遂出穀賦人帝重書嘉之一郡得全歲餘官民並豐界無盜賊遷南陽去官旋拜護羌校尉邊境服其威信卒於官

種 嵩字景伯河南洛陽人桓帝時匈奴寇并涼二州擢嵩爲度遼將軍至營宣國威信誠心懷撫羌夷悅服邊方晏然入爲大司

農

張 貢以漢陽太守遷爲校尉詔離蒲狐奴等五萬餘戶降隴右復平

劉 虔靈帝時爲涼州刺史蔡邕上封事其四曰刺史所以督察奸枉分別黑白伏見涼州刺史虔有奉公嫉奸之心餘皆枉撓不稱職

三國漢諸葛亮字孔明瑯琊人仕蜀至丞相兼領司隸校尉建興六

年帥師攻祁山戎陣整齊號令明肅南安天水安定三郡響應關中大震魏命張郃拒之亮使馬謖與郃戰於街亭謖違亮節制爲郃所敗亮拔西縣千餘家還於漢中九年復出祁山敗魏司馬懿於鹵城殺其將張郃

魏夏侯淵字妙才沛國譙人獻帝建安十九年魏王操以淵爲行謀軍將軍襲韓遂於顯親收其軍糧追至略陽破之轉擊高平屠各皆散走時枹罕宋建因涼州亂自號平漢王淵進討圍枹罕月餘拔之新建及所置丞相以下別遣張郃等平河關渡河入小湟中河西諸羌盡降隴右平

章 康字元將魏人太祖時荀彧以康淵才亮節雅度宏毅薦爲涼州刺史孔融與其父書稱爲偉器在郡數年爲馬超圍堅守歷時救軍不至遂見殺

甘肅新通志

卷五十五

職官志

大吏傳上

十

蘇 則字文師扶風人少以學行聞初爲酒泉太守徙金城太守時喪亂之後吏民流散則撫循甚謹外招懷羌胡旬月之間流民歸者數千家乃明爲禁令違者輒戮從者必賞親勸民耕歲得豐稔李越以隴西叛率羌胡討降之加護羌校尉賜爵關內侯復以討麴演功進封都亭侯

鍾 繇字元常長社人建安初關中諸將馬騰韓遂各擁強兵相爭太祖方有事關東以關右爲憂乃表繇督關中諸軍繇至關中移書騰遂以陳福福遂各遣子入侍後封定陵侯

郭 淮太原人文帝黃初中擢領雍州刺史稱爲神明太和中隴右無穀議欲從關中轉運淮以恩威撫循羌胡家使出穀平其輪調軍食遂足

張 既高陵人文帝初置涼州以鄒岐爲刺史盧水胡反帝召岐

以既代之既渡河深入潛軍次武威胡以爲神引還顯美遂進擊大破之又擊破酒泉蘇衡等上疏請治左城築障塞置烽埃以備胡西羌率眾二萬餘落降後西平麴光等殺郡守既檄論諸羌斬送光首其餘安堵如故既臨二州十餘年政惠著聞其所禮辟皆有名位

陳 泰頴川許昌人嘉平初代郭淮爲刺史拒蜀有功

徐 遵字景山燕國薊人明帝時爲涼州刺史領護羌校尉河右少雨常苦乏穀遵修武威酒泉鹽池以收虜穀又廣開水田募貧民佃之家有餘粟然後立學明訓禁厚葬斷淫祀進善除惡風化大行西域流通羌戎入貢皆遵勛也

李 熹銅鞮人魏末除涼州刺史領護羌校尉綏禦華夷甚有聲績羌虜犯塞不及啟聞輒以便宜深入遂大克獲以功重免譴時

甘肅新通志

卷五十五

職官志 大吏傳上

士

人比之漢代馮甘焉

晉司馬駿字子臧歷遷鎮西大將軍使持節都督雍涼等州諸軍事撫御有恩勸督農桑與士卒分役羌虜樹機能叛遣將討之斬三千餘級進位大將軍開府辟召儀同三司尋封扶風王卒百姓爲樹碑見者無不泣拜

杜 預字元凱京兆杜陵人泰始中虜寇隴右以預爲安西軍司更除秦州刺史領東羌校尉輕車將軍假節屬虜兵強盛時石鑒爲安西將軍使預出兵擊之預以虜乘勝馬肥而官軍懸乏宜并力大運須春進討陳五不可四不必鑒大怒復奏預擅飾城門官舍稽乏軍興遣御史檻車徵詣廷尉以預尙主在入議以侯賸論其後隴右之事卒如預策石鑒自軍還論功不實爲預所糾遂相恨讎言論喧嘩坐免官

馬 隆字孝興平陸人少而智勇好立名節初涼州刺史楊欣

羌戎心隆策其必敗後果敗沒河西斷絕武帝憂之隆請任其責募三千五百壯士至夷在所依八陣圖作偏廂車且戰且前殺傷無算永熙初封高縣侯授東羌校尉積十餘年威信著於隴右

元魏古 弼代郡人少忠謹善騎射太武時爲侍中賜爵建興公鎮長安有威名宋將裴方明克仇池立楊元庶子保熾於是假弼節督隴右諸軍討仇池平之

陸 俟代人太武間以征赫連昌命俟督諸軍轉武牢鎮大將平涼休屠金崖羌狄子玉等叛進安定大將討獲之從征蓋吳功遷內都大官

皮豹子漁陽人少有武略眞君三年宋將裴方明等陷仇池拜豹子使持節仇池鎮將督關中諸軍進討四年至濁水擊擒宋秦州

甘肅新通志

卷五十五

職官志 大吏傳上

士

刺史胡崇之仇池平尋除都督秦雍荆梁益五州諸軍事進號征西大將軍開府仇池鎮將如故諸氏復推楊文德爲主宋因以文德爲武都王守葭蘆城於是武都陰平五郡氏人皆叛應文德豹子討之其將楊高來降文德棄城南走興安中宋將殷孝祖修兩當城於清東詔豹子助天水公封勅文擊之破其瑕邱鎮擢爲內都大官卒贈淮陽王

尉 眷代人世祖時爲安南將軍張掖王禿髮保周反眷破於番禾詔眷留鎮涼州加都督涼沙河三州諸軍事威名歷著

穆 顗代人世祖時爲龍驤將軍忠謹有材力後出鎮涼州有聲績卒贈建安王諡曰康

穆 亮字幼輔代人起家侍御中散尙中山長公主高祖初除使持節秦州刺史在州未期大著聲稱徵爲殿中尙書後除都督秦

梁益三州諸軍事仇池鎮將時岩昌王梁彌機死子彌貴繼之
渾所逼來奔仇池亮擊走吐谷渾立彌機兄子彌承而還陝陽
寇仇池屯陽退嶺遣副將楊靈珍擊走之境內大安徵爲侍中
拓跋渾陽平王熙子爲涼州領護西校尉清慎慈愛還京師父老
皆涕泣道送若違所親

宇文泰代郡武川人孝昌中平万俟醜奴上首功以直閣將軍
原州事時關隴寇亂百姓凋殘撫以恩信民皆悅服後爲周太祖
賀若誼河南洛陽人有能名以誘降茹茹累拜車騎將軍封霸城
縣子加開府爲原州總管

梁 熙孝武太昌元年苻秦滅涼以熙爲涼州刺史清儉愛民河
右安之

獨孤信本名如願雲中人徙家武川在魏累有功從孝武帝西遷

甘肅新通志

卷五十五

職官志

大吏傳上

七

大統六年除隴右十州大都督秦州刺史先是守宰闇弱政令乖
方民有冤訟歷年不能斷決及信在州事無壅滯示以禮教勸以
耕桑數年之中公私富實流民願附者數萬家帝以其信著遐邇
故賜名信岷州刺史梁企定舉兵反詔信討之企定尋爲部下所
殺其子收其餘眾信乃勒兵向萬年至三交口賊并力拒守信因
詭道趨稠松嶺賊不虞信兵至望風奔潰逐北至城下賊并出降
十六年從大軍東討還遷尙書令太祖初啟霸業以隴右形勝委
信鎮之甚爲百姓所懷嘗因獵日暮馳馬歸其帽微側詰旦吏民
咸慕信而側帽焉其爲士庶所重如此後封衛國公

韓 衰字宏業昌黎人資世蔭起家奉朝請統初爵通侯位待
中旋除西涼州刺史羌胡之俗輕貧弱重豪富豪富之家侵漁小
民如僕隸故貧者日削富者日益衰乃悉募貧民以充兵士優復

其徭役又調富人財貨以賑給之每西域貢至先盡貧民市之於
是貧富漸均戶口殷實十六年加大都督晉公爵卒諡曰貞
賀拔岳字阿斗泥神武尖山人少有大志愛施好士爲大學生善
左右騎射勇氣絕人以功累遷光祿大夫武衛將軍討万俟醜奴
有功進岳都督涇州刺史封公

趙 貴字元貴天水南安人魏末從賀拔岳平關中爲都督侯莫
陳悅害岳貴圖報之首議迎宇文泰悅平泰即用貴以本將軍持
節行秦州事當州大都督爲政清靜民吏懷之魏文帝立梁企定
稱亂河右以貴爲隴西行臺討破之

宇文導字菩薩泰兄邵惠公子也從泰西討侯莫陳悅敗走導
率騎追斬之大統中徵爲隴右大都督秦南等十五州諸軍事秦
州刺史導性寬明善於撫御推誠接人吏民愛附恭帝元年卒於

甘肅新通志

卷五十五

職官志

大吏傳上

八

上邽加尙書令諡曰孝朝議以導撫和羌戎威恩顯著欲令世鎮
隴右乃葬於上邽城西無疆原華戎會葬者萬餘人莫祭於路悲
號滿野

宇文遵泰兄子泰上表請討侯莫陳悅留遵爲都督鎮原州泰軍
出木峽關令遵至牽屯山追悅斬之

王 盟其先樂浪人以父鎮武川家焉万俟醜奴叛從賀拔岳爲
先鋒平秦隴拜征西將軍宇文泰將討侯莫陳悅徵盟赴原州以
爲留後大都督鎮高平

李 弼字景和遼東襄平人魏時隸侯莫陳悅爲大都督太昌初
授清水郡守隨悅征討屢有尅捷及悅害賀拔岳軍停隴上太祖
自平涼進軍討悅弼諫悅曰岳旣無罪而公害之又不能撫納其
眾使無所歸宇文夏州收而用之得其死力咸云爲主將報讐其

意固不小也今宜解兵謝之不然恐必受禍悅惶惑計無所出會太祖軍至悅乃棄秦州南出據險以自固翌日弼密通使太祖許背悅來降夜弼乃勒所部云侯莫陳公欲還秦州汝等何不束裝弼妻悅之姨也特爲悅所親委眾咸信之人情驚擾爭趨秦州弼乃先馳據城門以慰輯之遂擁眾以歸太祖悅由此敗太祖謂弼曰公與吾同心天下不足平也仍令弼以本官鎮原州尋拜秦州刺史

蔡祐高平人事母以孝聞有膂力便騎射宇文泰在原州召爲帳下親信屢立大功著光明鐵鎧時人呼爲鐵猛獸授平東將軍轉原州刺史尋除大都督

周陸騰字顯聖侯孫少慷慨有大節歷總管節度位柱國爵上庸公建德二年徵拜大司空出爲涇州總管恤軍愛民時論稱之

甘肅新通志

卷五十五

職官志 大吏傳上

五

達奚震代郡人父武諡桓卒震襲爵鄭國公數戰有奇功累從高祖東伐進柱國宣政中駐原州總管三州二鎮諸軍事原州刺史隋段文振北海期原人高祖時爲原河二州刺史遷蘭州總管俱著政績封隴岡縣公煬帝即位徵爲兵部尚書從征吐谷渾文振督兵屯雪山連營三百餘里合圍吐谷渾主於覆袁山以功進右光祿大夫

元袁河南洛陽人性友悌家多金悉給諸兄無所受開皇初爲原州總管有商人失金疑同宿所盜爭訟袁察其冤捨之商人詣闕訟袁受賂縱賊文帝遣使詰治乃引咎免官盜尋發他所帝謂袁曰卿何自誣對曰臣受委一州不能息盜罪一百姓爲人所誣不付法司卽放免罪二牽及愚誠至爲物議罪三臣如不言受賂恐使者以縲纆橫及良善益重臣罪是以自誣帝歎服稱爲長者

龐晃榆林人知文帝非常人深自結納嘗與帝射雉以中數爲他日驗及帝受禪進晃公爵從河間王擊突厥斬首千餘級宿衛十餘年遷原州總管

竇榮定扶風平陵人隋初以與佐命拜上柱國大將軍除秦州總管突厥沙鉢略寇邊以爲行軍元帥率九總管步騎三萬出涼州與虜戰於高越原大挫其鋒突厥請盟而退

柳彧字幼文河東解州人少好學博涉經史宇文護引爲記室後出爲甯州總管開皇間遷治書侍御史百僚敬憚於時刺史多任武將類不稱職或上表以諫帝善之

崔宏度博陵安平人開皇初突厥入寇宏度以行軍總管出原州拒之御下嚴峻所至令行禁止盜賊屏息長安奸民爲之譟曰甯飲三斗醋莫遇崔宏度後檢校原州事仍領行軍總管

甘肅新通志

卷五十五

職官志 大吏傳上

六

華洗字世穆杜陵人性剛毅習弓馬文帝時擊尉遲迴於相州旋突厥寇邊洗出兵原州擊破之卒諡曰敬加上柱國

崔仲方字不齊博陵安平人好讀書有文武材開皇十四年以基州刺史轉會州總管時諸羌猶未賓服詔令擊之諸部悉平賞賚優渥

裴矩字宏高大高祖時爲吏部侍郎大業三年西域諸胡多至酒泉張掖交市帝令矩掌之矩訪諸國山川風俗人物形象服飾撰西域圖記三卷合四十四國奏之後以緩懷之略進位光祿大夫長孫熾字仲光河南洛陽人累官吏部侍郎大理卿以戶部尚書充西南道大使擊吐谷渾破之追至青海而還按是時裴仁基亦以銀青光祿大夫破吐谷渾於張掖加授金紫光祿大夫蓋一事也

劉 權字世略彭城人。大業五年從征吐谷渾。逐賊至青海。帝復令置河源郡。積石鎮。大開屯田。留鎮西境。在邊五年。諸羌懷附。貢賦歲入吐谷渾。餘燼遠遁。道路無壅。徵拜司農卿。加金紫光祿大夫。

唐柴紹字嗣昌。臨汾人。幼趨健。有武力。以任俠聞。高祖卽位。以功拜左翊衛大將軍。吐谷渾寇項寇邊。敕紹討之。敵據高射。紹軍矢雨下。眾失色。紹安坐遣人彈琵琶。使二女子舞。敵疑之。休射。觀紹伺其懈。以精騎從後掩擊。敵大潰。斬首五百級。

實 軌字士則。岐州平陵人。從義兵平京城。武德元年。以討稽胡功授太子詹事。會赤排羌與薛舉叛。將鍾俱仇同寇漢中。拜秦州總管。與賊連戰。皆捷。餘黨悉降。進封鄴國公。

楊恭仁。隋觀王雄子。性厚。以禮自閑。未嘗與物忤。時方之漢石慶。

甘肅新通志 卷五十五 職官志 大吏傳 七

武德二年。爲涼州總管。熟悉邊情。勤綏慰。慈嶺以東。皆奉貢。卒贈潭州都督。陪葬昭陵。諡曰孝。

楊 岌爲涇州都統。燕王李藝反。岌勒兵擊之。藝眾潰。斬首送長安。

李大亮涇陽人。貞觀三年。爲涼州都督。嘗有臺使諷大亮獻佳鷹。大亮密表曰。陛下絕畋獵久矣。而使者求鷹。信陛下意耶。乃乖昔旨。如其擅求。是使非其才。上手詔褒美。賜以荀悅漢紀。大亮恭儉忠謹。房元齡每稱其有王陵周勃之節。

李 靖字藥師。三原人。貞觀九年。督五總管兵伐吐谷渾。諸將議春草未芽。馬弱不可戰。靖決策深入。遂踰積石山大破之。封衛國公。

尉遲恭字敬德。朔州華陽人。從太宗定天下。封鄂國公。會突厥入

寇授恭涇州行軍道總管。恭令軍士僞胡服。雜胡騎中。乘間擊。大破突厥於涇西。

杜 暹。濮州人。貞觀中。因按事至突騎施。其酋饋之金。固辭。左右曰。寄身異域。不宜逆其情。乃受之。埋於幕下。出境移牒。令取之。虜大驚。十二年。爲安西都護。後封魏縣侯。

侯君集。三水人。貞觀十三年。爲交河道大總管。將兵擊高昌。十四年。滅之。分兵略地下。其郡三縣。五城。二十三戶。八千四十餘口。萬七千七百三十馬。四千三百匹。以其地爲西州。置安西都護府。留兵以守。勒石紀功而還。

阿史那社爾。貞觀中。龜茲王。不朝貢。與焉耆叛。附突厥。命社爾爲崑邱道行軍大總管。討之。凡破大城五。俘男女數萬。遣使諭降。小城七百餘。西域震懾。乃立王弟葉護高宗。時徙安西都護於其國。

甘肅新通志 卷五十五 職官志 大吏傳 八

統于闐。碎葉。疏勒。號四鎮。而以故安。西高昌。爲西州都督府治。

郭孝恪。許州人。任安西都護。貞觀十六年。西突厥寇伊州。孝恪擊敗之時。焉耆叛。附西突厥。相約爲輔車。不朝貢。乃命孝恪討之。傳其城執焉耆王獻京師。後以其地爲焉耆都督府。

李素立。趙州高邑人。貞觀二十一年。爲燕然都護。統瀚海等六府。舉蘭等七州素立撫以恩信。羌落懷之。共率馬牛爲獻。素立惟受盃酒餘悉遣之。

蘇定方。高宗顯慶二年。爲前軍總管。擊西突厥。至屯。河西敗沙鉢羅。兵冒雪兼行至其牙帳。縱兵擊之。斬獲萬數。乃息兵。諸各歸所居。道路置郵。驛掩骸骨。問疾苦。畫疆場。復生業。百姓安堵。命蕭嗣業將兵追沙鉢羅。擒之分其地。置崑陵。蒙池二都督府。

張孝嵩初爲監察御史。奉使廓州。拔汗那者。古烏孫也。內附歲久。

吐蕃攻之其王奔安西求救孝昌率旁側戎落出龜茲西數千里下數百城傳檄諸國咸振西域大食等八國請降勒石紀功而還楊 胄顯慶三年爲屯衛大將軍時遣左領軍郎將雷文成送龜茲王布失畢歸國龜茲大將羯獵頭發尿拒之詔胄發兵進討誅之以其地爲龜茲都督府

薛仁貴龍門人顯慶中爲鐵勒道行軍副總管龍朔二年從鄭仁泰擊鐵勒九姓時九姓眾十餘萬令驍騎數十來挑戰仁貴發三矢殪三人虜氣懾皆降軍中歌曰將軍三箭定天山壯士長歌入漠關後拜瓜州長史

鄭仁恭爲涼州都督龍朔二年敗鐵勒於天山明年夏以吐蕃攻吐谷渾詔仁恭爲青海道行軍大總管以救之

婁師德字宗仁原武人上元初爲監察御史會吐蕃盜邊劉審禮

甘肅新通志

卷五十五

職官志 大吏傳上

五

戰沒師德奉使收敗亡於洮河因使吐蕃其首領論贊婆等自赤嶺操牛酒迎勞師德諭國威信開陳利害番人畏悅後募猛士討吐蕃乃應詔從軍有功遷殿中侍御史兼河源軍司馬與敵戰白水澗八遇八克天授初爲左金吾將軍檢校豐州都督長壽元年復爲河源積石懷遠軍及河蘭鄯廓州營田大使萬歲通天中爲隴右諸軍大使復領營田

裴行儉字守約聞喜人調露二年西突厥都支及吐蕃連和侵逼安西上從行儉計命冊送波斯王歸國過西州揚言須稍涼乃西都支覘知之不設備行儉召四鎮酋長偽約畋得萬人陰勒部伍遂倍道疾進去其部落十餘里使趣召都支都支驚駭無措出迎謁遂擒之俘歸京師上親勞宴曰行儉提孤軍入萬里兵不血刃而叛黨擒可謂文武兼資矣拜禮部尚書兼右衛大將軍承隆中

突厥寇原慶二州復詔行儉爲總管討降之歸封聞喜縣公

黑齒常之百濟西部人驍勇有謀略儀鳳三年擊吐蕃破之擢武衛將軍副使調露中吐蕃使贊婆等入寇屯良非川常之引精騎三千夜襲其軍斬首二千級贊婆等單騎去拜河原道經略大使乃斥地置烽七十所開田五千頃歲收粟斛百餘萬泚軍七年吐蕃畏憚不敢盜邊封燕國公

郭 翰中宗嗣聖三年以御史巡察隴右多所按劾次甯州時狄仁傑爲刺史民爭言有異政翰就館以筆紙置於案謂僚屬曰入其境其政可知願薦使君美於朝卽命駕去

狄仁傑字懷英太原人嗣聖三年以侍御史爲甯州刺史御史郭翰巡察隴右入甯州境耆老歌刺史德美者盈路翰表薦之徵爲冬官侍郎五年爲江南巡撫使有籍沒者五千口仁傑密奏彼皆

甘肅新通志

卷五十五

職官志 大吏傳上

三

註誤臣欲顯奏似爲逆人申理不言又乖陛下仁卹之旨太后特原之皆流豐州道過甯父老迎勞之曰我狄使君活汝耶相攜哭於德政碑下後以反正之功追封梁國公

郭元振名震貴鄉人嗣聖十八年爲涼州都督初州境輪廣僅四百里吐蕃頻歲寇至城下元振於南峽置和戎城北積置白亭軍控制衝要遂拓境千五百里自是州無寇患又令甘州開置屯田盡水陸之利舊粟麥斛至數千至是一縑羅數十斛軍糧支數十年元振善撫御在州五年夷夏畏服令行禁止道不拾遺河西諸郡置生祠豎碑頌德神龍中遷安西大都護突厥款塞願和及召爲太僕卿安西蕃長及百姓哭送者遍野先天元年爲朔方軍大總管築豐安定遠城

唐休璟名璿以字行始平人垂拱中爲安西副都護聖歷中授涼

州都督持節隴右諸軍副大使吐蕃率數萬寇涼州入洪源谷休璟以兵數千臨高望之見賊旗幟鮮明謂麾下曰吐蕃自欽陁死贊婆降麴莽布支新將兵欲以示武且其下皆貴臣豪酋子弟騎雖精不習戰吾為諸軍取之乃披甲先登六戰皆克斬二將獲首二千五百築京觀而還

張仁愿華州下邳人景龍二年以左屯衛大將軍充朔方軍總管擊突厥夜掩其營破之初朔方軍與突厥以河為界時默啜悉兵西擊突騎施仁愿乘虛取漠南地於河北築三受降城絕突厥南寇路六旬而就又於牛頭朝那山北置烽埃千三百所自是朔方無寇減鎮兵數萬歲省費億計

王孝傑新豐人初與劉審理擊吐蕃皆沒於虜後竟得歸由是知吐蕃虛實會西州都督唐休璟請復取龜茲等四鎮嗣聖九年乃

甘肅新通志

卷五十五

職官志 大吏傳上

三

敕孝傑及阿史那忠節將兵擊破之復取四鎮置安西都護於龜茲發兵三萬戍守之後為總管與契丹戰死

張守珪開元初以蕭嵩薦擢瓜州都督初為瓜州刺史其地為吐蕃所毀守珪帥餘眾築板幹戢立吐蕃奄至守珪於城上置酒作樂虜疑有備不敢攻守珪縱兵擊之虜敗走乃復修城市收合流散皆復故業遷隴州節度使屢擊契丹敗之

王 峻滄州景城人擢明經屢受節度開元二年吐蕃寇臨洮與薛訥夾擊大破之俘獲無算以功加光祿大夫清源縣男原州總管

薛 訥字慎言絳州龍門人仁貴子開元二年吐蕃寇臨洮至蘭州剽牧馬詔訥攝羽林將軍為隴右防禦使與王峻擊之追及賊戰武階驛犄角破其眾尾北至洮水又戰長城堡斬數萬虜收

所掠及仗械不貲以功拜左羽林大將軍

張 說字道濟洛陽人開元中使說持節撫九姓說從輕騎二十直詣其部慰諭酋豪由是九姓遂安王峻討康待賓詔說相聞經略時党項羌亦連兵攻銀城說將步騎萬人擊破之仍招納党項使復故處奏置麟州以安羌眾十年詔為朔方節度大使復討康待賓餘黨平之初緣邊戍兵常六十餘萬說以時平無事奏罷二十餘萬還農上以為疑說曰臣久在疆場具知其情將帥苟以自衛及役使營私而已若禦敵制勝不必在多臣請以閫門百口保之上乃從之

張嘉貞字嘉貞蒲州猗氏人河東采訪使張循靈薦其材擢監察御史累遷中書舍人恩秦州都督為政嚴肅甚為吏人所畏後至宰相

甘肅新通志

卷五十五

職官志 大吏傳上

三

杜希望萬年人開元開拜鄯州都督拔吐蕃新城更號威戎軍碎赤嶺界碑又發鄯州兵奔吐蕃河橋築鹽泉城號鎮西軍威鎮吐蕃時軍事屢興府庫虛寡希望居數歲芻粟金帛豐裕

蕭 嵩開元十四年吐蕃陷瓜州河隴大震帝擇堪任邊者時嵩將赴朔方徙為河西節度使判涼州事嵩與吐蕃戰祁連城下自辰迄晡賊乃大潰斬一將賊哭震山谷露布至帝大悅授嵩同中書門下三品嵩以裴寬為判官與王君奭判官牛仙客俱掌軍政人心寢安又奏張守珪為瓜州刺史收合流散復繼反聞於吐蕃國中云大將悉諾邏與中國通謀贊普誅之吐蕃自是少衰

蓋嘉運開元二十七年為積石節度使引兵擊突騎施擒其可片骨奴取交河公主悉收散髮之民數萬以與拔汗那王威振西陲捷奏上嘉其功以為河西隴右節度使

李適之一名昌恆山懸王孫也開元中爲通州刺史以強幹見稱
擢拜秦州都督政不苛細人吏便之後至宰相

哥舒翰其先蓋哥舒部之裔能讀左氏春秋漢書仕至左衛郎將
吐蕃寇邊與翰遇苦拔海吐蕃枝其軍爲三行從山差池下翰持
半段槍迎擊所嚮披靡名蓋軍中擢副隴右節度河源軍使先是
吐蕃候積石麥熟歲來取莫能禦翰乃設伏東南谷吐蕃以五千
騎入塞將就田翰自城中馳至虜駭走伏起悉殺之隻馬無遺者
後進涼國公兼河西節度使復攻破吐蕃洪濟大莫門等城收黃
河九曲以其地置洮陽郡築神策宛秀二軍進封西平郡王

王忠嗣華州人以武功至金吾衛將軍素勇敢及爲將乃能持重
旋爲河西隴右朔方河東節度佩四將印控制萬里每互市高估
馬價諸蕃爭以馬來市蕃馬遂少每歲積石麥熟吐蕃輒穫之無

甘肅新通志

卷五十五

職官志 大吏傳上

三

敢禦者忠嗣遣將伏兵於其側夷至突出夾攻之無一人得返由
是吐蕃不敢犯

郭子儀華州鄭人天寶十四載安祿山反以子儀爲朔方節度使
與李光弼討破史思明復河北十餘郡方北圖范陽會天子入蜀
太子卽位靈武詔班師子儀將兵五萬疾赴行在軍威始振詔以
爲靈武長史同平章事自是平河曲復兩京破吐蕃服回紇以身
繫天下安危者三十年

李光弼營州柳城人嚴毅沈果有大略天寶六載爲河西兵馬使
王忠嗣遇之厚雖宿將莫能比乾元二年代郭子儀爲朔方節度
使始至號令一施壁壘旌旗精彩倍增於是破史思明擒安太清
敗史朝義所向披靡嘗以短兵置韞中曰戰危事吾國之三公不
可死賊手萬一不利諸君死敵我死國不令諸君獨死也其治軍

也指顧號令諸將莫敢仰視議定而後戰能以少制眾與郭子儀
齊名

高僊芝本高麗人初從軍安西驍勇善騎射累官四鎮節度副使
天寶六年小勃律王及其旁二十餘國皆附吐蕃貢獻不入以僊
芝爲行營節度使討之僊芝遣將軍席元慶將千騎前行縛其大
臣僊芝繼至斬附吐蕃者數人急遣元慶斷婆夷藤橋虜小勃律
王及吐蕃公主而還遷安西四鎮節度使

劉晏字士安曹州南華人八歲獻頌號神童名震一時後拜彭
原太守進御史中丞寶應元年爲度支轉運鹽鐵等使時安史之
亂天下戶口什亡八九所在宿重兵費不貲皆倚辦於晏晏有精
力多機智變通有無曲盡其妙嘗募善走者覘報四方物價不數
日皆達食貨輕重之權悉制在掌握國家獲利而天下無甚貴甚

甘肅新通志

卷五十五

職官志 大吏傳上

四

賤之憂又於諸道各置知院官每旬月具雨雪豐歉之狀以告豐
則貴糴歉則賤糴或以穀易雜貨供官用轉於豐處賣之知院官
始見不稔之端卽行申報預爲籌救不待困弊流殍然後賑之由
是戶口蕃息始任轉運使時天下見戶不過二百萬季年乃三百
餘萬其初財賦歲入不過四百萬緒季年乃千餘萬緒於民無擾
而於國獲大利至錢穀出納悉委之文士嘗曰士陷賊賄則淪重
於時名重於利故士多清修吏雖廉潔終無榮顯利重於名故吏
多貪污後爲楊炎所譖殺天下冤之

馬璘扶風人大厯初爲邠寧節度使武幹絕倫惠恤士卒人樂
爲用寇不敢犯爲中興銳將以段秀實爲都虞侯多所裨益及辛
軍中奔哭者數千人喧咽門屏以功封扶風郡王諡曰武
杜黃裳字遵來京兆萬年人擢進士第郭子儀辟佐朔方府子儀